

Europskoj Fa-konferenciji

Dafa učenicima koji prisustvuju Evropskoj Fa konferenciji:
Pozdrav!

Dopustite da počnem tako što ću Evropskoj Fa-konferenciji poželjeti puno uspjeha. Istovremeno, htio bih uputiti nekoliko riječi onim učenicima kojima ne polazi za rukom da ispune očekivanja. Dafa učenici imaju dužnost i moraju, bez obzira na sve, ispuniti zavjete koji su ih doveli na ovaj svijet. Jer u ime toga ste jednom založili svoje živote kao bogovi i tako omogućili da danas budete najveličanstvenija vrsta bića u kozmosu – Dafa učenici. Tokom svog kultiviranja, neki učenici vječito gledaju prema van, traže vanjska rješenja, i tragaju za stvarima izvana, fokusirajući se na stvari poput toga kako ih drugi loše tretiraju, govore im neugodne stvari, ponašaju se isuviše poput običnih ljudi, vječito su grubi prema njima, ili nikad ne prihvataju njihove ideje. Kao rezultat, vi prestajete raditi sve ono što Dafa učenici rade da bi potvrdili Fa, i čak, u naletu srdžbe, prestajete sa kultiviranjem. Zar stvarno ne shvaćate za koga se vi kultivate? Zar zaista ne shvaćate da vam te neugodne stvari pomažu da se kultivate, uklonite svoje ljudske misli, i oslobodite se svojih vezanosti? Onog dana kad ste započeli kultiviranje, nije li se vaš životni tok promijenio u (životni tok) kultivatora? Nije li istina da ništa od onog na šta nailazite ne predstavlja slučajnost? Zar vi ne putujete putem

koji ide ka božanstvenosti? Zar uistinu verujete da je kultiviranje samo dopadljivo, i da se možete uzdizati kad vam do ušiju stižu ugodne stvari i kad Dafa učenici izgovaraju samo ono s čime se vi slažete? Kada u naletu bijesa prestanete učiti Fa, ili raditi vježbe, s kim ste tada u sukobu? S bogovima? S Učiteljem? Ili ste to, zapravo, vi sami? Razumljivo je ako nakratko nešto ne možete pregrmjeti. Ali biti takav duže vrijeme predstavlja ozbiljno kršenje vašeg zavjeta, i to znači da vi ne uspijevate nositi svoj dio u Fa-ispravljanju, a to utječe na sveukupni napredak cijelog tijela. U očima bogova, ništa nije ozbiljnije od ovog. Zla bića koja progone Dafa učenike su priređena kao takva od strane starih sila, i pod kontrolom su; bez obzira kakvu zbrku naprave, ili koje zlo naizgled počine, ona samo čine ono što su drugi ponudili. Ako [Dafa] učenik, međutim, nije dobar, neće vam oprostiti ne samo stare sile, već svi bogovi u kozmosu. Vrijeme ističe za vas, kao i za nebrojena živa bića u ovom kozmosu. Možda je Učitelj upotrebio teške reči. Ali moram upitati one učenike koji su duže vrijeme u konfuziji: jeste li zaista ozbiljno razmislili koji kurs slijediti? Ja se samo nadam da će vas ovaj udarac teškim maljem probuditi. Ja to radim za vas, ne za sebe—vašeg Učitelja—i svakako ne za one vaše kolege kultivatore, koji su vas uzrujali. Budite marljivi! Ovo je vaš zavjet. Ovo je vaša odgovornost. I ovo je vaš put do Ispunjenja!

Dopustite da završim zaželjevi silan uspjeh Dafa učenicima koji prisustvuju ovoj konferenciji.

Li Hongzhi
22.11.2009.

Prijevod na hrvatski, 29.11.2009.